

CARRÉGNƏ

Gesù Sandə, avətə e putëndə,
dà iütə a mëndə a mijə,
mëndə a məmòriə mijə,
chə i dichə du Patrə Sand' Andonjə

-Sand' Andonjə ggijljə iucundə
nnummənàtə pə tuttə u munnə,
chi u tè pə vvucàtə sijə
da Sand' Andonjə iè iütàtə.

-Sand' Andonjə prədəcàvə ,
e n' anglə e issə parlàvə,
à dittə: « Pàtrətə a èssə mbèccàtə
sènzə c' à fattə malə »

-Sand' Andonjə chə rəvərənzə
da lu popələ à tòtə ləcènzə
də vulérsə rəpusà,
può z' è missə e cammənà.

Millə e cənguciéntə migljə à fattə,
a scrətturə pàrlə e dicə
déndrə e nu mumèndə e Lisbonə iè rruvətə
e u patrə à ləbbəràtə.

A trumbéttə iènnə e nnandə
dəcènnə e chilli ggèndə:
« E sta mòrtə iè cundannàtə
pəcché e n' òmə à ccisə ».

-Sand' Andonjə à cammənàtə
e cu ggiudəcə à parlàtə
chə paròlə sandə :
« Pəcché patrəmə à èssə ccisə? »

-E ù ggiudəcə à parlàtə:
« Pəcché n' òmə à ccisə
nnandə a zóchə à parlàtə
i təstəmònjə ì scutàtə. »

-L' à rəspuostə Sand' Andonjə:
« Sò bbusciàrdə i təstəmònjə,
pə dəlórə à parlàtə
u pòvərə viécchjə sfərtunàtə. »

-Sand' Andonjə à parlàtə:
« Vuò sapé a vərətà?
Sə quillu muòrtə sta ssəttèrràtə
issə dicə chi l' à ccisə. »

-E ù ggiudəcə à parlàtə:
« Chə mə dəcétə o Sandə Patrə?
Sə quillu muòrtə sta ssəttèrràtə
də pròvələ iè dəvəndàtə »

-Sand' Andonjə éllórə à dittə:
« Pə vèrtù də Gesù Cristə
Ijə u muòrtə faccə rəsuffjətà,
e chə vujə tuttə parlà. »

-U guvèrnatorə chə tandə ndələggiènzjə
à rəvucatə a cundannə,
zə sò missə e cammənà,
ndovə sta u muòrtə sò iutə.

-Ènnə vistə déndrə e nu mumèndə
pə vèrtù du sacramèndə,
a prètə du səppuləchə avəzàtə
e quillu muòrtə rəsuffjətətə.

-Sand' Andonjə zə iè ccustàtə
e chə quistu muòrtə à parlàtə:
« Dimmə o muòrtə u fattə vèrə
sə patrəmə t' à ccisə. »

-E quillu muòrtə éllòrə à dittə:
« Patrətə n' é statə :
Chi m' à ccisə
Ddijə u pòzza pərdunà. »

-Rəcumènzə u muòrtə e dicə:
« Patrə, mə vogljə ləbbərə
də na scumunəchə chə tènghə,
chə sò statə fòrə du Sandə Regnə. »

Sand' Andonjə zə iè ccustàtə
e quillu muòrtə à ləbbəràtə.
N' anəmə à salvatə
e u patrə ləbbəràtə.

Sand' Andonjə pə chissi raggiònə
ngòppə u prèghə ogni pərzónə.
À dittə: « Sə téngə nu pòchə rətàrdə
e patrəmə da mòrtə i salvàtə. »

Nu mərəquələ səcuramèndə
chə facévə tra l' à ggèndə.
Rəvé u Sandə prədəcannə
e u patrə ləbbərannə.

Na pàrtə ròssə də ggèndə
sti còsə nə credə,
à mannàtə e Lisbonə na corrièrə
e à rətruvàtə chə tuttə iè luvèrə.

Sand' Andonjə gluriùsə
chə nu ciélə rəpòsə,
mmiézə e Marijə e l' angələ Sandə,
ié vvucàtə də tuttə quandə.